

Referat

STYREMØTE 9.august 2023

Tilstades: Anders Schanche Rettedal, Hanne Lundal, Jon Egil Østerhus, Elin Fuglestad, Lisa Marie Melhus.
Meldt fråfall: Odd Einar Lundervold.
Referent: Hilde Elin Østerhus
Møtestad: Utstein Kloster Hotell

Saksliste:

1/2023	<ul style="list-style-type: none">a) Innkalling, godkjenning. Det planlagde felles møtet med Hedmark og Oppland sau og geit vart avlyst grunna ekstremvær i deira region, oppstart av møtet derfor tidlegare enn oppsett.b) Godkjenning av referat frå førre styremøte -godkjent via epost etter styremøte.
2/2023	<p>Faste saker:</p> <ul style="list-style-type: none">a) Rekneskap og budsjett. Gjennomgang av budsjett mot rekneskapen. Styret har behov for gjennomgang med regnskapslag for å klargjere ansvarsfordeling, og kva som ligg i eksisterande avtale. Ønsker å sikre at innleveringar og fristar vert innfridd. Er det naudsynt å trykke så mange årsmeldingar og treng den vere så innhaldsrik?b) Handlingsplanc) Arbeidsoppgåver. Nytt skjema for reiserekning er gjennomgått og godkjent.d) Styreakтивitet / Møteverksemد. Lite aktivitet, Anders: Storkurs gjeterhund.e) Lokallagsrunden. Oppmode lokallag til å tipse Elin, viss dei har opne arrangement i lokallaga, slik at fleire kan få tilbodet, samt at det kan vere til inspirasjon for aktivitet i andre lokallag.f) Neste styremøte: 20.sept, digitalt. Ta opp saka om MT sine innspel til tiltak for betra dyrevelferd.g) RGL / Gjeterhund. Fatlandcup og Storkurs er gjennomført, god deltaking. Innleiande rundar i Haugalandscupen har starta, finale seinare i haust. Arbeidsgruppa ang ny organisering startar opp arbeidet snart, Hanne Lundal, Odd Einar Lundervold og Karl J Mattingsdal har ansvaret for dette.

NSG - på lag med naturen

13/2023	<p>Leiarmøte 27.& 28.okt 2023</p> <p>Adresse: Park Inn by Radisson Airport hotell, Haugesund</p> <p>Program: Fredag: lufte idear og utfordringar i organisasjonen, deretter dyrevelferd i fokus, no som dyrevelferdsprogrammet står på trappene. Målet er å gje lokallagsleiarane, og dermed lokallaga; eit fagleg utgongspunkt for å ta tak i eit emne som er presserande viktig i tida som kjem. Styret i RSG ser det som vært viktig for næringa si overleving at me tek dette emnet på alvor.</p> <p>Invitert: leiar i alle lokallag, leiar i alle vereringsar, leiar i alle raselag og leiar i Rogaland gjeterhundlag.</p> <p>Økonomi: Ynskjer å spørje om sponsor til samlinga, vurderar om det er naudsynt å ha med sekretær under samlinga; skal og bør det skrivast referat frå eit slik møte? Invitere fagpersonar har ofte med seg presentasjonar som me mogleg kan dele med lokallaga i etterkant. Styret vedtek å gjennomføre leiarmøte utan sekretær.</p>
21/2023	<p>Utmarksbeite-ansvarleg</p> <p>NSG ynskjer at alle fylkeslag utnemner ein utmarksbeite-ansvarleg som kan vere kontaktperson for NSG i saker som gjeld utmarksbeite. Styret i RSG ser det som tenleg at dette er ein person som sit i styret i RSG.</p> <p><u>Vedtak:</u> Odd Einar Lundervold er RSG sin utmarksbeiteansvarleg.</p>
23/2023	<p>Innspel om genprøvar i bruksbesetning.</p> <p>Forsand sau og geit etterspør at også bruksbesetningar skal kunne genteste utan begrensingar i inntak av innkjøpt genmateriale.</p> <p>Styret i RSG har diskutert saka, og vil be Avlsutvalet om si uttale. Det vil vere naturleg å handsame saka på leiarmøte i oktober, før ein tek stilling til vidare handsaming av saka.</p>
24/2023	<p>Orientering om Ulv i Agder.</p> <p>Det vart i juli observert ulv ved Lakken-stova i Agder. Det var først uvisst om det var ulv, men vart etter kvart dokumentert at 10 småfe var tekne av ulv.</p> <p>Dette er eit beiteprioritert område, med mykje Rogalandssau. Ei utfordring for saka, er at nett dette området tek tid å kome seg inn i, det tok derfor svært lang tid å få dokumentert om det faktisk var ulv som hadde teke småfe. Statsforvaltaren sitt strenge krav til kor ferske spora skal vere, er generelt eit stort problem for beitenæringa når det er behov for fellingsløyve. Også i dette tilfellet vart spora dokumenterte for seint, og dermed kunne det ikkje gjevast fellingsløyve for nemnde ulv.</p>

NSG - på lag med naturen

	<p>Det er dessverre ikkje slik at det er automatisk fellingsløye på rovdyr når den/dei kjem inn i eit beitepriorert område, heller ikkje i Rogaland. NSG har erfarene rovvilktaktaar i både Agder og Rogaland, som rutinemessig fyljer saka tett. Tidlegare hendingar i same sak har vist at systemet fungerer.</p> <p>Styret i RSG ynskjer i samarbeid med rovviltsvarleg å utarbeide ein enkel beredskapsplan / dokument som synleggjer korleis ein jobbar i slike saker, for å sikre at kontaktar og rutinar vert sikra om dagens rovvilktakta sluttar. Dette kan vere styrande for det vidare arbeidet.</p> <p>Kriseplan for rovdyrangrep er Statsforvaltaren si oppgåve, RSG si oppgåve er å drive behovsprøvd støtte til medlemmar eller lokallag når og viss ei rovdyr-hending opptrer.</p>
25/2023	<p>Premiar til NM i gjeterhund.</p> <p>Spørsmål frå NM i gjeterhund om å bidra med 2. og 3.premie til NM i gjeterhund. RSG føreslår at dette harmonerer med den som skal levere 1.premie.</p> <p><u>Vedtak:</u> RSG støttar NM i gjeterhund med lokale produkt frå næringa vår, til 2.og 3.premie.</p>
26/2023	<p>Utnemning av kontaktperson til samarbeid med BaneNor for å hindre påkøyring av beitedyr.</p> <p>Utmarksrådet i NSG ber om at alle fylkeslag der det er toglinjer, utnemner ein person som dei kan kontakte når det er aktuelle saker i deira område.</p> <p>Styret i RSG utnemner Anders Schanche Rettedal.</p>
22/2023	<p>Dyrevelferdsmeldinga- høyringsnotat frå NSG . Frist for tilbakemelding: 20.aug.</p> <p>Regjeringa ved Landbruks og matministeren, skal legge fram ei dyrevelferdsmelding. Næringa er invitert til å kome med innspel, NSG har utarbeidd eit førebels høyringsnotat til dyrevelferdsmeldinga som RSG er beden om å kommentere eller kome med sine innspel til.</p> <p><u>Rogaland sau og geit sine innspel til NSG`s høyringsnotat i dyrevelferdsmeldinga:</u></p> <p>RSG ser dokumentet som eit viktig og godt skrive innspel som set lys på dei utfordringane sauenæringa står i.</p> <p>RSG har likevel nokre kommentarar:</p> <ul style="list-style-type: none"> • Tap av beiterett: <u>Jaktinteresser</u> er også trussel for beitenæringa/ beiteretten. (Målkonflikt 2, s.2) • RSG ser det som svært viktig at <u>alle nye krav til areal eller lufttetid skal dokumenterast</u> gjennom grundige forsøk før dei vert settet. • <u>Arealkrav:</u> Dersom det kjem strengare krav enn dei me har i dag, bør desse fyrst og framst gjelde nybygg, og ikkje ha tilbakeverkande kraft. • <u>Luftekkrav:</u> dersom det blir aktuelt med luftekkrav, bør det takast omsyn til dei ulike geografiske og meteorologiske utfordringane i landet i vårt, det er store variasjonar.

	<ul style="list-style-type: none">• RSG ynskjer at <u>DVP blir eit krav for alle besetningar uavhengig av dyretal.</u> Dyrevelferdslova har som formål å sikre dyrevelferd for <u>alle</u> dyr. Alle dyr har eigenverd. Om ein ikkje set krav til DVP for dei minste besetningane, står tusenvis av småfe utan vern eller rettighéiter.• RSG støttar innspel om kompetansekrav for å drive med sau.
27/2023	<p>Kjøtt i skole: Sak frå NSG: Markedsrådet i Norsk Sau og Geit har framarbeidd eit undervisningsopplegg med namnet «Kjøtt i skole». Opplegget har vore testa ut av 4 ressurspersonar i 2022, og blitt omtalt og presentert ved fleire høve i løpet av vinteren/våren, seinast i Teams-møte for sentralt tillitsvalde i Norsk Sau og Geit i juni. Det er laga klar ei arrangør-handbok, og målet er at Kjøtt i skole skal takast i bruk av fylkes- og lokallag i Norsk Sau og Geit hausten 2023 og at det blir gjennomført minst 3 arrangement i kvart fylke. I august vil Kjøtt i skole bli lansert på bred basis for hele organisasjonen.</p> <p>Vedtak: RSG vidaresender materialet til lokallaga og oppmodar dei til å ta tak i oppgåva.</p>

NSG - på lag med naturen